



JNUNPAZT-L

JURNAL UNPAZ TIMOR-LESTE

UNPAZ

ANALIZA PAPEL ESTADU BA PROTESAUN DIREITU LABRIK TUIR KONSTITUISAUN REPUBLIKA DEMOKRATIKA TIMOR-LESTE

Author : Maria Soares de Araujo

Orentador : Dr. Lourenço de Deus Mau-Lulo, L.Dir., MD. Email: lourencodedeusmaululo@gmail.com.

Programa Mestrado Direito Pos Graduasaun Universidade da Paz

ABSTRAKTU

Antesedente:

Republika Demokratika Timor-Leste, nu'udar Estadu Direitu Demokratiku, ne'ebé konsagra ona iha Konstituisaun RDTL, artigu 1 alinea (1) ne'ebé hateten katak Repúblika Demokratika Timor-Leste, estadu ida Direitu, Demokratiku, Soberano, Unitariu, Ukun-an no ida mesak harii husi povu nia vontade no iha respeitu ba dignidade ema ida-idak nian. Ida ne'e sai nu'udar prinsipiu fundamentál sidadaun sira nian tu'ir konseitu estadu direitu ne'e rasik tanba ne'e, estadu Timor-leste iha obrigasaun tomak atu fó protesasaun direitu humanu ba sidadaun sira inklui mós labarik sira ninia direitu tu'ir objetivu estadu ne'ebé hatu'ur iha Konstituisaun RDTL, artigu 6 alinea (1) pontu (b), atu garante no promove sidadaun sira-nia direitu no liberdade fundamental, no respeitu ba estadu nia prinsipiu kona-ba direitu demokratiku. Haree ba realidade tu'ir antesedente sira ne'e, hakerek na'in hamosu aspeitu tolu ne'ebé esensial tebes iha peskiza ida ne'e, mak hanesan;

Primeiro Aspeitu juridiku; hakerek na'in haree no halo analiza klean liu ba sistema juridiku iha Timor-leste, ne'ebé maioria sai nu'udar alternative ida ba estado hodi halo adoptasaun no eksistensia husi enkuadramentu juridiku iha Timor leste, sei

nafatin dependente ba instrumentu direitu internasional ne'ebe espesifiku hakerek nain hare liu ba direitu labarik sira nian tuir konstituisaun RDTL.

Segundu, Aspeitu Sosiolojia; hakerek nain hare liu ba problema social sira ne'ebe sempre involve labarik sira iha kualker atividade, hanesan atividade politika, konflitu juvinil, edukasaun no trabalhador, hare ba realidade hirak ne'e mak hakerek nain mos preokupa ho situasaun ne'ebe lao dadaun iha Timor leste. Konflitu social sira ne'ebe afeita liu ba comunidade sira inklui governu ne'ebe trata asusntu espesifiku liu ba labarik iha Timor leste.

Terseiru Aspeitu Teoria, hakerek nain hare liu ba politika legislasaun iha sistema juridiku Timor leste nia ne'ebe sempre kria ona konflitu entre politika nasional no internasional ne'ebe trata asuntu espesifiku ba direitu labarik Timor leste no adoptasaun sira ne'ebe tuir instrumentu direitu internasional ne'ebe Timor leste ratifika tiha ona, barak liu husi konvensaun sira ne'e la refleta ba situasaun no kondisaun real iha Timor Leste.

Formulasaun Problema:

1. Papel Estadu ba Protesaun Direitu labarik Tuir Konstituisaun RDTL
2. Mekanismu ne'ebe Estadu uja hodi protese Direitu labarik iha Timor-Leste

Objetivu Peskiza:

1. Atu buka hatene no analiza konaba Papel Estadu ba Protesaun Direitu Labarik iha Timor-Leste
2. Atu hatene no analiza konaba mekanismu ne'ebe estadu Timor-Leste uja hodi protese direitu laabarik iha Timor-Leste

Fundamentu teoria:

Teoria ne'ebe uja hodi deskovre probelama ne'ebe identifika iha leten mak hanesan; Teoria Estadu de Direito, Teoria Governo, Teoria Kompetensia, Teoria Direitu Humanus no Teoria Protesaun Direitu labarik.

Metodelogia peskiza:

Metodelogia peskiza ne'ebe uja iha peskiza ida ne'e, uja metode peskiza Normativu, konaba nroma sira nebe relasaun ho Direitu labarik iha nia aplikasaun.

Resultadu Peskiza:

1. Papel Estadu ba Protesaun Direitu Labarik iha Timor-Leste

Haktuir husi resultadu peskiza no analiza ba Papel Governu iha asuntu proteje direitu labarik iha Timor-Leste mak hanesan; Lejislasaun no Politika Públika: Governu nian iha responsabilidade atu kria no implementa lejislasaun no politika sira ne'ebé proteje direitu labarik. Ida ne'e bele inklui leis ida kona-ba protesasaun labarik kontra violénsia, akolhimentu ba labarik órfaun no abandonadu,

no asesu ba edukasaun no saúde. Edukasaun: Edukasaun mak fator fundamental ba proteje direitu labarik. Governu tenke fornese edukasaun inkluziva no kualidade ba labarik sira. Ida ne'e inklui aseguira katak labarik sira ho defisiénsia hetan asesu ba edukasaun ne'ebé adekua. Kooperasaun ho Organizasaun Internasionál: Governu bele koopera ho organizasaun internasionál no NGO sira atu hetan apoiu finanseiru, tekniku no kapaasitasaun iha área proteje direitu labarik.

Papel comunidade lokal, família, edukadór sira, no sosiedade tomak mos nudar parte ne'ebé importante atu aseguira katak direitu labarik sira hetan protesaun ne'ebé adekua. Edukasaun kontinua ba públiku kona-ba direitu labarik no sensibilizasaun iha comunidade sira mos importante atu kontribui iha protesaun direitu labarik iha Timor-Leste.

2. Mekanizmu Protesaun ba Direitu Labarik iha Timor-Leste

Baseia ba resultadu peskina no analiza konaba mekanizmu ne'ebe Estadu uja hodi proteje labarik sira nia Direitu iha Timor-Leste hatudu katak; Iha Timor-Leste, governu estabelese mekanizmu sira hodi promove no proteje direitus labarik. Iha nível konstitusional, prátiiku, governu promove atividade sira hodi garante edukasaun, saúde, no seguransa ba labarik sira. Iha implementasaun polítika sira ne'ebé foka ba dezvoltamentu no protesaun labarik, Asesu ba Justisa: Labarik sira tenke hetan asesu ba sistema justisa ne'ebé justu no inkluzivu. Ida ne'e inklui asesu ba advokadu, konsellu jurídku, no mekanizmu justisa ne'ebé sensível ba labarik. Protesaun ba Labarik ho Nesesidades Espesiál: Labarik sira ho nesesidades espesiál tenke hetan protesaun no apoiu ne'ebé apropiadu, inklui asesu ba edukasaun inkluziva no kuidadu saúde espesiál.

Save: *Papel Estadu, Protesaun Direitu Labarik*

KAPITULO I

MAK LOKE

1.1 Antecedente

Republika Demokratika Timor-Leste, nu'udar Estadu Direitu Demokratiku, ne'ebé konsagra ona iha Konstituisaun RDTL, artigu 1 alinea (1) ne'ebé hateten katak Repúblika Demokratika Timor-Leste, estadu ida Direitu, Demokratiku, Soberano, Unitariu, Ukun-an no ida mesak harii husi povu nia vontade no iha respeito ba dignidade ema ida-idak nian, sai nu'udar prinsipiu fundamentál sidadaun sira nian tu'ir konseitu estadu direitu ne'e rasik. Ne'ebe hatu'ur ona iha Preamblo Konstituisaun RDTL, iha paragrafu X, ne'ebé ho neon-metin duni katak iha nesesidade atu harii kultura demokrátika institusional ida rasik estadu direitu ninian, iha ne'ebé ema sei respeito konstituisaun, lei no instituisaun ne'ebé povu rasik mak hili. Alende ne'e, estadu Timor-leste iha obrigasaun tomak atu fó protesasaun direitu humanu ba sidadaun sira inklui mós labarik sira ninia direitu tu'ir objetivu estadu ne'ebé hatu'ur iha Konstituisaun RDTL, artigu 6 alinea (1) pontu (b),

atu garante no promove sidadaun sira-nia direitu no liberdade fundamental, no respeito ba estadu nia prinsipiu kona-ba direitu demokratiku.

Tuir observasaun iha treinu, labarik barak mak la hetan tratamentu ne'e diak (dignu) tanba inan aman barak mak esflora lanbarik sira nia direitu hanesan tuir mai ne'e:

- 1) Inan aman Esplora labarik sira nia Direitu hodi haruka oan sira ba buka osan liu husi faan sasan iha dalan ninin hodi suporta familia uma laran;
- 2) Inan-aman husi labarik sira, preukupa liu ba Kultura duke future oan sira nian, no fin oan sira sai abandona no alfafetu;
- 3) Labarik sira la ba eskola, tanba inan-aman laiha kbit finanseiru hodi tulun oan sira ba eskola;
- 4) Labarik barak mak mal-nutrisaun, tanba inan-aman laiha servisu atu fasilita aihan ne'ebe ho nutrizasaun ba labarik sira nia saude;

5) Inan-Aman balun ne'ebe kaben sedu, sei dauk pronto atu responsabliza ba oan sira, no fin labarik sira la hetan atensaun maximu husi inan-aman.

Hare ba problema sira ne'ebe menziona iha leten, Papel Governo no sociedade iha Timor-Leste importante tebes, ba protesaun direitu labarik tu'ir Konstituisaun RDTL, Artigu 18 kona-ba protesaun ba labarik-oan sira, alinea (1), (2) no (3), hateten katak: (1) labarik sira iha direitu ba protesaun espesial husi familia, comunidade no mós estadu, liu-liu hasoru hahalok hotu hanesan la tau-matan, diskriminasaun, violénsia, opresaun, abuzu seksual no explorasaun, (2) labarik sira hetan direitu hotu-hotu ne'ebé mundu rekoñese, hanesan direitu sira-ne'ebé hakerek ona iha konvensaun internasional, ne'ebé estadu aprova no simu onaka ratifika filafali, no (3) labarik hotu-hotu ne'ebe moris iha kazamentu nia laran ka lae, iha direitu hanesan kona-ba protesaun sosial.

Haree ba realidade tu'ir antedente sira ne'e, hakerek na'in hamosu aspetu tolu ne'ebé esensial tebes iha peskiza ida ne'e, mak hanesan;

Primeiro Aspetu juridiku; hakerek na'in haree no halo analiza klean liu ba sistema juridiku iha Timor-leste, ne'ebé maioria sai nu'udar alternative ida ba estado hodi halo adoptasaun no eksistencia husi enkuadramentu juridiku iha Timor leste, sei nafatin dependente ba instrumentu direitu internasional ne'ebe espesifiku hakerek nain hare liu ba direitu labarik sira nian tuir konstituisaun RDTL.

Segundu, Aspetu Sosiolojia; hakerek nain hare liu ba problema social sira ne'ebe sempre involve labarik sira iha kualker atividade, hanesan atividade politika, konflitu juvenil, edukasaun no trabalhador, hare ba realidade hirak ne'e mak hakerek nain mos preokupa ho situasaun ne'ebe lao dadaun iha Timor leste. Konflitu social sira ne'ebe afeita liu ba comunidade sira inklui governu ne'ebe trata asusntu espesifiku liu ba labarik iha Timor leste.

Terseiru AspeituTeoria, hakerek nain hare liu ba politika legislasaun iha sistema juridiku Timor leste nia ne'ebe sempre kria ona konflitu entre politika nasional no internasional ne'ebe trata asuntu espesifiku ba direitu labarik Timor leste no adoptasaun sira ne'ebe tuir instrumentu direitu internasional ne'ebe Timor leste ratifika tiha ona, barak liu husi konvensaun sira ne'e la refleta ba situasaun no kondisaun real iha Timor leste.

Tanba ne'e peskizador hakarak formula topiku peskiza hanesan tuir mai **“ANALIZA PAPEL ESTADU TIMOR-LESTE BA PROTESAUN DIREITU LABARIK”**

1.2 Formulaun Problema:

Relasiona ho antesedente ne'ebe mensiona iha leten, hakerek nain mos formula problema sira ne'ebe persisa atu halo peskiza hodi anaiza maka hanesan tuir mai ne'e:

1. Oinsá papel GovernuTimor-Leste ba protesaun Direitu La barik?

2. Mekanismo saida deit mak Governu Timor-Leste uja hodi fó protesaun ba Direito La barik iha Timor-Leste?

1.3 Objetivu Peskiza

Relasaun ho objetivu peskiza ne'ebé sei hetan husi peskizadora iha analiza ne'e maka hanesan tu'ir mai:

1.3.1 Objetivu jeral

1. Atu hatene no analiza konaba Papel Governu ba protesaun direitu Labarik tuir Konstituisaun Republika Demokratika Timor-Leste
2. Atu hantene no analiza konaba Mekanismu ne'ebe governu uja hodi halo protesaun ba Direitu Labarik iha Timor-Leste

1.3.2 Objetivu espesifiku

Relasaun ho objetivu espesifiku konba peskiza ida ne'e hanesan tuir mai:

1. Resultadu peskiza ida ne'e sai rekeзитus ida hodi hetan titulu Mestradu Direito iha Programa Mestradu Universidade da Paz

2. Resultadu peskiza ne'e sai referensia ba Instituisaun Governativa hodi uja nudar mata dalan ba protesaun Direito Labarik iha Timor-Leste.

Resultadu peskiza ne'e mos sei sai referensia ba peskizador sira seluk ne'ebe sei tuir mai, ho topiku peskiza ne'ebe hanesan hodi halo peskiza klean liu tan konaba problema ne'ebe hanesan.

KAPITULO II

FUNDAMENTU TOERIA

1.4 Fundamentu Teoria

1. Teoria Estado de Direitu

Estado de Direitu ou “Rechtsstaat” ne'ebé hatu'ur ona Konstituisaun RDTL iha artigu 1 alinea 1, ne'ebé dehan katak Repúlika Demokrátika Timor-Leste maka nasaun ida ne'ebé direitu demokratiku tu'ir duni povu ninia hakarak ne'ebé livre ho respeito liberdade sira, ida ne'e maka dehan katak nasaun demokratika, tu'ir

duni artigu 1 alinea 1 no artigu 2 alinea 2 nasaun hakruuk ba konstituisaun no lei.

2. Teori konstituisaun

Istórikamente nasaun iha tempu ne'ebá, desenvolve tu'ir kondisaun povu nian. Iha Grésia antiga sira filosofia sira formula signifikadu lobuk ida, ne'ebé hanesan. Aristoteles ne'ebé moris iha tinan 384-322 AM iha ninia hanoin kona-ba nasaun iha ninia livru Polítika, ne'ebé hanaran nasaun poli, ne'ebé iha momentu ne'ebá sei haree hanesan rejiaun ki'ik ida. Iha ninia hanoin, nasaun sai hanesan nasaun direiu, ne'ebé akumula ema barak ninia hanoin (ecclesia).

3. Teoria Guvernu

Guvernu nudar Organuizasaun ida ne'ebe kompostu husi Instituisaun ka Orgaun estado sira ne'ebe kada orgaun Estado iha nia kompetensia no funsaun. Tuir Aristóteles hateten katak Guvernu mak komportamentu polítiku organiza ba parte tolu, ne'ebé importante mak hanesan; 1) Ezerse Ita-nia autoridade no autoridade

Moris sosiál, ekonómiku no polítiku mak nasaun ida ka parte ida; (2) grupu ema ne'ebé hamutuk responsavel ba uzu autoridade; no (3) governadór nasaun ida nian.

4. **Teoria kompetensia**

Kompetensia nu'udar baze ne'ebé la se'es husi teoria kompetensia iha ne'e Hanorin kona-ba evolusaun no ninia huun. Tipu lisensa atu asesu Direitu ba liberdade asosiasaun no liberdade. Fonte Direitu, entre sira seluk: atributu, delegasaun no mandatu. Tuir konseitu Direitu Konstitusional nian, Kompetensia ka autoridade Termu "loos Autoridade" define hanesan "loos Autoridade (kompetensia) legimidade Públiku, autoridade relasiona ho poder iha diferença ki'ik entre Autoridade mak hanaran autoridade formál, autoridade ne'ebé mai husi lei ka lejislasaun.

5. **Teoria de Direitu Humano**

Fundamentu Direitu Humanu baseia ba dignidade kada ema. Dignidade maka kualidade ne'ebé difini ba kada

ema ou valor ne'ebé ema ida-idak iha, maske simples maibé ida ne'e maka parte ne'ebé eziste iha moris ne'e. Direitu humanu garante dignidade espesial iha estadu-nia oin ho estrutura ne'ebé iha poder ba sidadania hodi asegura ekilibriu entre direitu no dever individu ne'ebé iha relasaun ho sociedade no ba sociedade no mós relasaun ho individu.

6. Teoria ba protesau integral iha parte komprensaun kona-ba norma ne'ebé kuida labarik no ¹ adolescente presiza konsidera hanesan sidadaun ne'ebé hanesan ba desenvolvimentu físiku, psikolójiku no moris.

1.5. Metodu Peskiza

Komprensaun Metodu peskiza importante tebes tamba liuhusi resultadu peskiza ne'e, ita bele hetan metodu ne'ebé ita atu uza. Peskiza siéntifikumaka metodu ho objetivu atu bele estuda kona-ba problema ne'ebé ita atu hala'o analiza ne'ebé kle'an hodi hetan resultadu ne'ebé maka loos iha sociedade ka iha comunidade sira nia le'et. Aliende ida ne'e Tipu peskiza konaba Papel Estado ba Protesau Direitu Labarik Tuir

Konstituisaun RDTL, signifika katak, tipu peskiza ida ne'e peskiza uja tipu peskiza Normativo no tipu analiza ba peskiza ida ne'e mak analiza deskriptivu no prespektivu.

KAPITULO III

RESULTADU PESKIZA

3.1 Konklusaun

3.1.1 Papel Estadu ba Protesaun Direitu Labarik

Haktuir husi resultadu peskiza no analiza ba Papel Governu iha asuntu proteje direitu labarik iha Timor-Leste mak hanesan tuir mai ne'e:

1. Lejislasaun no Politika Públika: Governu nian iha responsabilidade atu kria no implementa leislasaun no politika sira ne'ebé proteje direitu labarik. Ida ne'e bele inklui leis ida kona-ba protesaun labarik kontra violénsia, akolhimentu ba labarik órfaun no abandonadu, no asesu ba edukasaun no saúde.
2. Edukasaun: Edukasaun mak fator fundamental ba proteje direitu labarik. Governu tenke fornese edukasaun inkluziva no kualidade ba labarik sira. Ida ne'e inklui asegura katak

labarik sira ho defisiénsia hetan asesu ba edukasaun ne'ebé adekuaadu.

3. Saúde: Governu tenke asegura katak labarik sira hetan asesu ba kuidadu saúde ne'ebé adekuaadu, inklui servisu saúde preventiva no tratamentu médiku.
4. Protesaun kontra Violénsia no Abuzu: Governu tenke kria mekanizmu sira atu prevene no trata kazu violénsia kontra labarik sira, inklui asuntu abuzu seksuál no abuzu infantil.
5. Asesu ba Justisa: Labarik sira tenke hetan asesu ba sistema justisa ne'ebé justu no inkluzivu. Ida ne'e inklui asesu ba advokadu, konsellu jurídiku, no mekanizmu justisa ne'ebé sensível ba labarik.
6. Protesaun ba Labarik ho Nesesidades Espesiál: Labarik sira ho nesesidades espesiál tenke hetan protesaun no apoiu ne'ebé apropriadu, inklui asesu ba edukasaun inkluziva no kuidadu saúde espesiál.
7. Dadus no Peskiza: Governu tenke kolekta dadus relevante kona-ba kondisaun labarik sira iha nasaun ne'e. Dadus sira ne'e importante atu hatene problema sira ne'ebé afeta

labarik sira no hodi bele desenvolve intervensaun sira ne'ebé efikaz.

8. Kooperasaun ho Organizasaun Internasionál: Governu bele koopera ho organizasaun internasionál no NGO sira atu hetan apoiu finanseiru, tekniku no kapaasitasaun iha área proteje direitu labarik.

3.1.2 Mekanizmu Protesaun ba Direitu Labarik iha Timor-Leste

Baseia ba resultadu peskina no analiza konaba mekanizmu ne'ebe Guverno uja hodi proteje labarik sira nia Direitu iha Timor-Leste hatudu katak; Iha Timor-Leste, governu estabelese mekanizmu sira hodi promove no proteje direitus labarik.

- 1) Iha nível konstitusional, Konstituisaun Repúblika Demokrátika Timor-Leste garante direitus labarik no estabelese prinsípiu importante sira kona-ba protesaun no desenvolvimentu labarik. Além disso, Timor-Leste tama mós ratifikasaun Konvensaun Sobre os Direitos da Criança das Nasaun *Unidas (UN Convention on the Rights of the*

Child) no partisipa iha mekanizmu internasionál sira hodi asegura protesaun ba direitus labarik.

- 2) Iha nível prátiku, governu promove atividade sira hodi garante edukasaun, saúde, no seguransa ba labarik sira.
- 3) Iha implementasaun polítika sira ne'ebé foka ba desenvolvimentu no protesaun labarik, Asesu ba Justisa: Labarik sira tenke hetan asesu ba sistema justisa ne'ebé justu no inkluzivu. Ida ne'e inklui asesu ba advokadu, konsellu jurídiku, no mekanizmu justisa ne'ebé sensível ba labarik.
- 4) Protesaun ba Labarik ho Nesesidades Espesiál: Labarik sira ho nesesidades espesiál tenke hetan protesaun no apoiu ne'ebé apropriadu, inklui asesu ba edukasaun inkluziva no kuidadu saúde espesiál.

3.2 Rekomendasaun

1. Ba Guverno

Ba Parte sira ne'ebe iha relasaun ba protesaun Direitu Labarik, Liu husi Resultadu Peskiza no analiza ida ne'e,

hakarak Rekomendasaun ba Governo hodi proteje direitu labarik sira nia iha Timor-Leste hanesan tuir mai ne'e:

1) Implementa Lejislasaun no Política Pública Adekuada:

Estabelese no implementa leis no regulamentu sira ne'ebé proteje direitu labarik, inklui leis kontra violénsia ba labarik, akolhimentu no protesaun ba órfaun no abandonadu, no leis ne'ebé promove asesu ba edukasaun no saúde. Política pública tenke refleta komitmentu ba direitu labarik sira no kria estratéjia sira atu implementa política sira ne'e ho suksesu.

2) Promove Edukasaun Inkluziva no Qualidade ba Labarik Sira:

Investe iha sistema edukasaun ne'ebé inkluzivu no fornece formasaun ba edukadór sira atu komprende no apoia labarik sira ho nesesidades espesiál. Asegura katak labarik sira iha asesu ba edukasaun ne'ebé qualidade no inkluzivu.

3) Fortalese Sistema Saúde no Asesu ba Kuidadu Saúde:

Alokasaun orsamentu adequada ba setor saúde no servisu ba halai no prevene doença sira, espesialmente ba labarik

sira. No Promove konsulta pré-natal no servisu saúde pré-konsepsaun. Asegura katak labarik sira hetan imunizasaun no kuidadu saúde ne'ebé adekuadu.

4) Prevene no Kombaté Violénsia kontra Labarik:

Reforsa sistema sira atu prevene no kombaté violénsia ba labarik, inklui promosaun kontra abuzu seksuál no violénsia doméstika.

5) Kapasitasaun no Sensibilizasaun:

Promove formasaun no sensibilizasaun ba profisionál sira, inklui polísia, justisa, no tranzitáriu sira, kona-ba protesaun direitu labarik. Eduka comunidade lokal no família sira kona-ba importánsia proteje direitu labarik.

6) Promove Partisipasaun Labarik sira:

Estimula partisipasaun labarik sira iha prosesu tomada desizaun ne'ebé afeta sira nia vida, inklui iha eskola, comunidade, no política pública.

7) Estabelese Mekanizmu Monitorizasaun no Relatóriu:

Kria mekanizmu sira atu monitoriza implementasaun leis no política sira ne'ebé proteje direitu labarik. Relatóriu kona-ba

progressu ne'e bele ajuda iha koreksaun sira no dezvoltamentu polítika sira seluk.

8) Koopera ho Organizaun Internasionál no NGO sira:

Estabelese kooperaun ho organizaun internasionál, NGO sira, no comunidade lokal atu hetan apoiu tékniku, finansiru, no kapasitasaun iha área proteje direitu labarik.

Iha implementasaun rekomendasaun sira ne'e, importante atu involve comunidade lokal, inklui labarik sira nia família, no promove kultura inkluzivu ne'ebé respeita no proteje direitu labarik.

2. Ba Inan Aman no Familia sira

Rekomendasaun ba inan-aman no família hodi proteje direitu labarik sira nian hanesan tuir mai ne'e:

- 1) **Proteje no Apoiu Ba Labarik Sira:** Inan-aman no família tenke proteje labarik sira husi violénsia, abuzu, no negligénsia. Eduka família kona-ba direitu labarik no responsabilidade sira iha proteje sira nia seguransa no bem-estar.

- 2) **Edukasaun no Konsientizasaun:** Promove konsientizasaun iha comunidade kona-ba importánsia direitu labarik sira nian. Família sira presiza hetan edukasaun kona-ba asuntu sira hanesan edukasaun inkluziva, saúde labarik, no prevene violénsia.

- 3) **Kria Ambiente Seguru no Afetivu:** Kria ambiente familiar ne'ebé seguru no afetivu ba labarik sira. Asistensia emocional no apoiu ba labarik sira nia dezvoltamentu emocional no psikolojiku importante.

- 4) **Promove Asesu ba Edukasaun no Saúde:** Alokasaun tempu no esforsu ba asesu ba edukasaun ne'ebé kualidade no servisu saúde ne'ebé adekua ba labarik sira. Aman-aman no inan-aman tenke asegura katak labarik sira hetan kuidaду médiку no asesu ba edukasaun no oportunidade ne'ebé adekua.

- 5) **Partisipasaun Familiar iha Edukasaun no Kresimentu Labarik:** Inan-aman no família bele partisipa ativamente iha edukasaun no kresimentu labarik sira. Halo interasaun regular ho labarik sira atu hatene sira nia nesidades, desejus, no progresu akadémiku no sosial.
- 6) **Previne Abuzu Seksuál no Neglijénsia:** Eduka família sira kona-ba perigu husi abuzu seksuál no neglijénsia. Ensinu labarik sira kona-ba kona-ba sira nia korp iha maneira saudável no seguru. Promove abertura ba komunikasaun kona-ba asuntu ne'ebé kona-ba seksualidade no seguransa.
- 7) **Kontrola Uza Teknolojia no Internet:** Eduka labarik sira kona-ba razaunabu no seguru uza teknolojia no internet. Kontrola uza teknolojia iha tempu sira ne'ebé adekua no monu regras ba uza internet.
- 8) **Konsulta Espesialista:** Se família sente labarik sira hetan problema sosial, emocional, oioin, sira bele

konsulta espesialista sira ne'ebé hatene kona-ba labarik sira nia nesidades no bele fo orientasaun ne'ebé adekua.

- 9) **Partisipasaun Aktiva iha Komunidade:** Inan-aman no família bele partisipa iha atividade sira iha comunidade, inklui atividade sira ne'ebé relasiona ho edukasaun, saúde, no protesaun direitu labarik. Partisipasaun ne'e bele promove apoiu no rekursu sira ba família sira.

Rekomendasaun sira ne'e reforça papel inan-aman no família hodi asegura katak labarik sira hetan ambiente ne'ebé seguru, afetivu, no ho oportunidade ba dezvoltamentu sira nia potenciál maksimu.

BIBLIOGRAFIA

I. Refernsia Direitu

Committee on the Rights of the Child, *Consideration of Reports Submitted by States Parties Under*

- Article 44 of the Convention - Concluding Observations : Timor Leste*, 47th session, February 2008
- Committee on the Rights of the Child, *General Comment No. 12 - The right of the child to be heard*, 51st session, July 2009
- UNICEF & The Ministry of Social Solidarity, *Mapping and assessment of the child protection system in Timor-Leste*, 2011
- Masalah Perlindungan Anak. Akademika Pressindo. Jakarta.
- Irwanto. 1997. Perlindungan Anak, Prinsip dan Persoalan Mendasar, Makalah Seminar Kondisi dan Penanggulangan Anak Jermal. Medan.
- Prakoso, Abintoro. 2016. Hukum Perlindungan Anak. LaksBang PRESindo. Yogyakarta.
- Soeaidy, Shole S.H., Dan Zulkhair Dra. 2011. Dasar Hukum Perlindungan Anak. CV.NOVINDO PUSTAKA MANDIRI. Jakarta.
- Undang-Undang No 23 Tahun 2002 jo Undang-Undang Nomor 35 Tahun 2014. Tentang Perlindungan Anak
- Effendy, Onong Uchjana. 2003. Ilmu, Teori dan Filsafat Komunikasi. PT.Citra Aditya Bakti. Bandung
- Gosita, Arif. 1985. Masalah Perlindungan Anak. Akademika Pressindo. Jakarta.
- Irwanto. 1997. Perlindungan Anak, Prinsip dan Persoalan Mendasar, Makalah Seminar Kondisi dan Penanggulangan Anak Jermal. Medan.
- Kusumaningrat, Hikmat dan Purnama Kusumaningrat. 2005. Jurnalistik, teori dan praktek. Remaja Rosda Karya. Bandung.
- Muhtadi, Asep Saepul. Jurnalistik Pendekatan Teori dan Praktek. 1999. Logos Wacana Ilmu. Jakarta
- Prakoso, Abintoro. 2016. Hukum Perlindungan Anak. LaksBang PRESindo. Yogyakarta.

Soeaidy, Shole S.H., Dan Zulkhair Dra. 2011. Dasar Hukum Perlindungan Anak. CV.NOVINDO PUSTAKA MANDIRI. Jakarta.

Soekanto, Seorjono & Sri Mamudji. 2001. Penelitian Hukum Normatif (Suatu Tinjauan Singkat). Rajawali Pers. Jakarta

Lourenço de Deus Mau Lulo, (Disertasi) Kewenangan Lembaga Negara dalam Pembentukan Undang-undang berdasarkan Konstitusi Republika Demokratik Timor-Leste, Universitas Udayana Denpasar Bali, 2018.

Lourenço de Deus Mau Lulo; Konsep Negara hukum Timor-Leste, Unpaz, 2018

-----, Concept of the law of Timor-Leste based on Constitution of Timor-Leste, Faculty of Law Unpaz-Timor-Leste, 2017

II. Leis no Regulamentu sira

1. Konstituisaun Republika Demokratika Timor-Leste (K-RDTL)

2. Konvensaun Direitu Labarik

3. Kodigu Direito Labarik 2011 konaba Protesaun Direito Labarik

4. ¹https://www.unicef.org/timorleste/media/1681/file/7.%20CRC%20Booklet_Tetum%20simple%20version%20CROP_final_27March2019.pdf .asesu iha loron segunda Feira data dia 02 de Outubro 2023

5. Orientasaun Konvensaun Direitu Labarik (KDL) guvernantes, pratikante media sira, ONG sira, representante juventude no instituisaun relijiozas iha Distrito Viqueque 2009

6. Nasoins Unidas (UNICEF) 2019 Publika hosi Governu Republika Demokratika Timor-Leste.